

SESIÓN ORDINARIA DO PLENO CELEBRADO O DÍA 30 DE XULLO DE 2015 ÍNDICE DE PUNTOS

Punto Primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.....4

Punto Segundo.- Información periódica a render ao Pleno, en execución do acordo adoptado en data 26/08/2010: Execución do orzamento ao remate do 2º trimestre do exercicio 2015.....4

Punto Terceiro.- Información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público, para o pago das obrigas de cada Entidade local, correspondente ao 2º trimestre do exercicio 2015.....4

Punto Cuarto.- Aprobación, se procede, de actas anteriores.....4

Punto Quinto.- Devolución garantía definitiva pola prestación dos Servizos de Colaboración na Xestión Tributaria, Censual, Inspectoría e Recadatoria do Concello de Ames, adxudicado o 27 de novembro de 2008.....5

Punto Sexto.- Aprobación suplemento de crédito 1/2015.....5

Punto Sétimo.- Modificación do cadro de persoal, e das bases de execución do orzamento con ocasión dos acordos adoptados polo Pleno organizativo do mandato 2015/2019.....6

Punto Oitavo.- Aprobación transferencia de crédito 9/2015.....8

Punto Noveno.- Moción presentada polo grupo municipal I.C. Ames Novo o 17 de xullo de 2015 (R.E. núm. 8409) sobre o sector lácteo.9

Punto Décimo.- Moción presentada polo grupo municipal I.C. Ames Novo o 20 de xullo de 2015 (R.E. núm. 8439) sobre cambio na forma de xestión do servizo público local do Ciclo integral da auga.....10

Moción de urxencia. Elaboración das xornadas de traballo e axendas para o alcalde e concelleiros con algún tipo de dedicación.12

Rogos e Preguntas.....12

Preguntas.....21

C.I.F.: P - I500200 - I

..I.F.: P - 1500200 - I

ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O 30 DE XULLO DE 2015, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

ACTA DA SESIÓN ORDINARIA LEVADA A CABO POLO PLENO DO CONCELLO O DÍA 30 DE XULLO DE 2015.

No Salón de Sesións da Casa do Concello de Ames, ás vinte horas e trinta minutos (20:30) do día 30 de xullo de 2015, reúnese o Pleno do Concello en sesión ordinaria de primeira convocatoria, baixo a presidencia do señor alcalde, **José M. Miñones Conde**, e coa asistencia das/os señoras/os concelleiras/os seguintes:

Grupo municipal Popular	Santiago V. Amor Barreiro
	Alberto Piñeiro Rodríguez
	Mª Oliva Agra Costoya
	Ana Ruso Valiña
Grupo municipal Socialista	José M. Miñones Conde
	Luisa Feijoo Montero
	José Blas García Piñeiro
	Mª Isabel González Cancela
Grupo municipal IC- Ames Novo	Mª Pilar Candocia Pita
	Mª Jesús Bóo Feijóo
	Xaime Subiela Pérez
	Roberto Amarelle Garabán
Grupo municipal Contigo Pódese	Genma Otero Uhía
	Catuxa García Mallo
	Silvia Dapena Liñares
Grupo municipal Pacto X Ames	Ramón García Argibay
Grupo municipal BNG-Asembleas Abertas	David Santomil Mosquera
	Mª Isabel Vaquero Quintela
Grupo municipal Ciudadanos - Partido da Cidadanía	Francisco J. López Suárez

Non asisten, pero xustifican a súa ausencia, as concelleiras do grupo municipal Pacto X Ames, Mª Dolores Fernández Álvarez e María González Gómez.

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

ORDE DO DÍA:

A) PARA DAR CONTA

Punto Primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde, **José M. Miñones Conde**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os, en calquera momento na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática aos señores/as concelleiros/as.

Punto Segundo.- Información periódica a render ao Pleno, en execución do acordo adoptado en data 26/08/2010: Execución do orzamento ao remate do 2º trimestre do exercicio 2015.

O señor alcalde, **José M. Miñones Conde**, dálle a palabra a concelleira delegada de Economía e Facenda, Genma Otero Uhía que da conta da información periódica a render ao Pleno, en execución do acordo adoptado en data 26/08/2010: execución do orzamento ao remate do 2º trimestre do exercicio 2015, de acordo co informe 180/2015 emitido en data 27 de xullo de 2015 e a documentación en formato dixital que se xunta a aquel.

Punto Terceiro.- Información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público, para o pago das obrigas de cada Entidade local, correspondente ao 2º trimestre do exercicio 2015.

O señor alcalde, **José M. Miñones Conde**, dálle a palabra a concelleira delegada de Economía e Facenda, Genma Otero Uhía que da conta da información periódica a render ao Pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto lexislativo 3/2011, de 14 de novembro, polo que se aproba o Texto Refundido da Lei de contratos do sector público, para o pago das obrigas de cada Entidade local, correspondente ao 2º trimestre do exercicio 2015 de acordo co informe 180/2015 de Intervención municipal, emitido o 27 de xullo de 2015, e a documentación en formato dixital que se xunta a aquel.

Neste momento da orde do día, o señor alcalde **José M. Miñones**, da conta á Corporación que en cumprimento do acordo plenario de organización de 10 de xullo de 2015, no referente á dotación de medios á favor dos grupos políticos, xa foi resolto o tema do aluguer de local. Que dito contrato xa foi autorizado na Xunta de Goberno e que en breve comenzarán as obras de acondicionamento para que no prazo mais breve posible estea a disposición do grupos.

B) PARA DELIBERACIÓN E ACORDO

Punto Cuarto.- Aprobación, se procede, de actas anteriores.

O señor alcalde, **José M. Miñones Conde**, somete á aprobación as actas correspondentes á sesión extraordinaria de constitución de 13 de xuño de 2015 e a sesión extraordinaria de organización de 10 xullo de 2015.

No que respecta á acta da sesión 13 de xuño de 2015 non se producen intervencións, sendo aprobada por **unanimidade** dos membros presentes da Corporación Municipal.

No que respecta á acta da sesión de 10 de xullo de 2015, o concelleiro Francisco Javier López Suárez, solicita que conste en acta a seguinte intervención *"invito ao resto de partidos da oposición que se sumen a esta iniciativa, por ultimo trasladar que*

isos 9.749,18 euros dotados para a contratación de un auxiliar administrativo a media xornada se destine a asuntos mas necesarios e urxentes no noso concello e por iso nos gustaría que na medida do posible ese diñeiro fora destinado á dotación de material para o IES de Milladoiro que tanto o necesita”.

Sometida a votación, a acta do pleno de 10 de xullo de 2015, co engadido do concelleiro Francisco Javier López Suárez, resulta aprobada por **unanimidade** dos membros presentes da Corporación Municipal.

Punto Quinto.- Devolución garantía definitiva pola prestación dos Servizos de Colaboración na Xestión Tributaria, Censual, Inspectora e Recadatoria do Concello de Ames, adxudicado o 27 de novembro de 2008.

(.....)

Rematadas as intervencións, o pleno da Corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes, adopta os seguintes acordos:

Primeiro.- Proceder á devolución da garantía definitiva por importe de 40.000 euros constituída o 9 de decembro de 2008 por Gestión Tributaria Territorial S.A con CIF A.81.957.367 na entidade Caixa Cataluña para responder do contrato de servizos de colaboración na Xestión Tributaria, Censual, Inspectora e Recadatoria do Concello de Ames, contrato asinado o 23 de decembro de 2008.

Segundo.- Notificar este acordo aos interesados aos efectos oportunos.

Terceiro.- Facultar ó alcalde do Concello de Ames para cantas actuacións de tramite sexan precisas para á mellor execución do acordado.

Punto Sexto.- Aprobación suplemento de crédito 1/2015.

(.....)

Rematadas as intervencións, o pleno da Corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes, adopta os seguintes acordos:

Primeiro.- Aprobar inicialmente o suplemento de crédito 1/2015 por importe de 390.664,62 euros, co seguinte detalle:

Aplicacións de gasto

Á aplicación:	Importe:
011 913.00	94.736,17 €
161 623.00	72.487,22 €
453 619.00	223.441,23 €
Total	390.664,62 €

Concepto de ingreso

Á aplicación:	Importe:
911.00	390.664,62 €
Total	390.664,62 €

Segundo.- Someter o acordo de aprobación inicial de suplemento de crédito 1/2015 a exposición pública por prazo de 15 días hábiles, mediante anuncio no BOP, a efectos de exame e reclamacións.

De presentarse reclamacións serán resoltas polo Pleno da Corporación e para o suposto de non presentarse o acordo de aprobación inicial quedará elevado a definitivo de forma automática.

Unha vez producida a aprobación definitiva publicárase o suplemento de crédito 1/2015 resumido por capítulos, no BOP a efectos da súa entrada en vigor e

simultaneamente remitirase copia á Administración Xeral do Estado e da Comunidade Autónoma.

Terceiro.- Facultar ó alcalde do Concello de Ames para cantas actuacións de tramite sexan precisas para a mellor execución do acordado.

Punto Sétimo.- Modificación do cadro de persoal, e das bases de execución do orzamento con ocasión dos acordos adoptados polo Pleno organizativo do mandato 2015/2019.

Durante o debate deste punto da orde do día, o concelleiro Santiago V. Amor Barreiro formula unha consulta á secretaria e solicita que tanto a pregunta como a resposta se reflecta na acta.

Intervén **Santiago V. Amor Barreiro** que di: Plantexar unha dúbida de carácter legal que non sei se a señora secretaria me pode responder. O acordo que tomamos no pleno do pasado día 10 de xullo ¿carece dunha legalidade plena?. Entendo que tomamos un acordo onde aprobamos unhas condicións, e en base ao que se acaba de expoñer agora, se non traemos este acordo hoxe aquí, aquel acordo que se tomou non tería validez legal plena.

Resposta a **secretaría**: Determinados acordos plenarios, como tamén determinados acordos de Xunta de Goberno Local, teñen unhas consecuencias no orzamento. Non vexo ningún problema pois sería unha consecuencia dun acordo anterior; sería unha contradición que o pleno aprobara unha cousa e despois no fixera os tramites sucesivos.

Intervén novamente **Santiago Amor** que di: Non é facer ou non facer os tramites sucesivos, é non pode facer eses tramites, porque agora o que estamos a facer é perfeccionar un acordo que se tomou no pleno do pasado 10 de xullo. Se hoxe non perfeccionamos aquel acordo, quedaría sen validez, non se podería executar; se hoxe non tomamos este acordo o acordo do pleno do día 10 de xullo quedaría sen efecto.

Intervén a **secretaría**, que di: O problema non sería de validez do acordo senón que non tería reflexo no orzamento; considero que non hai problema. En todo caso eu lles pediría que por favor as dúbidas que teñan as plantexen con antelación para poder informarles o mellor posible.

Intervén **Santiago Amor**, que di: ¡Hai dúbidas e dúbidas, señora secretaria!. Hai dúbidas que se poden plantexar con anterioridade e outras dúbidas que poden xurdir no momento. Acaba de xurdir unha dúbida para un concelleiro e permítame dicirle que se non vamos a poder plantexar dúbidas no pleno.

Intervén o **alcalde**, que di: Vostede fai unha consulta que podería ter feito na comisión, que é o que se pide normalmente, que as comisións sexan para traballar e para facer esas consultas e que se podan respostar cuns días de antelación. En todo caso vostede fixo unha consulta que xa está respostada.

(.....)

Rematadas as intervencións, o pleno da corporación por maioría absoluta do número legal de membros, co voto en contra do concelleiro do grupo municipal Ciudadanos Francisco Javier López Suárez, a abstención dos/as 4 concelleiros/as do grupo municipal popular Santiago V. Amor Barreiro, Alberto Piñeiro Rodríguez, M^a Oliva Agra Costoya e Ana Ruso Valiña, e o voto favorable do resto dos/as concelleiros/as presentes, adopta os seguintes acordos:

Primeiro.- Aprobar inicialmente a modificación da base de execución do orzamento nº 39 que pasaría a ter o seguinte texto:

Base 39ª.- Indemnización e asistencias dos membros da corporación.

Os cargos electos deste concello recibirán as retribucións conforme ó vixente acordo plenario regulador destas, ou acordo posterior que o substitúa.

En conformidade co establecido no artigo 75 da Lei 7/1985, Reguladora das Bases do Réxime Local, artigo 225 da Lei 5/1997, de Réxime Local de Galicia e segundo o artigo 13 do Regulamento de Organización, Funcionamento e Réxime Xurídico das Entidades Locais vixente, os membros electos da corporación percibirán unha indemnización de 110€ por preparación de asuntos e asistencia a sesións do pleno.

Os cargos con dedicación exclusiva ou parcial non percibirán ningún tipo de indemnización por asistencias, de acordo co previsto no artigo 13 do Real Decreto 2568/86, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

En materia de indemnizacións por comisión de servizos rexerá o Real Decreto 462/02, de 24 de maio, e disposicións de desenvolvemento ou normas de carácter xeral que as substitúan, coas seguintes particularidades:

a) Por aloxamento e gastos de viaxe en medios de transporte público, así como por manutención aboarase o importe do realmente gastado e xustificado documentalmente, cos límites sinalados para o grupo 1 dos anexos II e III do citado Real Decreto. Cando a comisión de servizos de cargos electos inclúa tamén a funcionarios de carreira, persoal laboral ou eventuais, aplicaranse a todos eles o réxime de indemnizacións establecidos para os cargos electos. No resto dos casos, estes percibirán o importe efectivamente acreditado documentalmente, co límite sinalado no citado Real Decreto para o grupo en que resulten encadrables.

Segundo.- Aprobar inicialmente a modificación do cadro de persoal do orzamento municipal, no referente ao persoal eventual. A modificación sería a seguinte:

Denominación do posto de traballo	Nº de dotacións	Total Retribucións
Administrativo de Gabinete de Alcaldía	1	26.018,86 €
Auxiliar administrativo de Gabinete	1	19.498,36 €
Auxiliares grupos políticos xornada completa	3	58.495,08 €
Total Crédito Orzamento	5	104.012,30 €

Terceiro.- Someter a exposición pública os acordos de aprobación inicial que anteceden por prazo de 15 días hábiles, a efectos de exame e reclamacións.

Para o suposto de non presentarse reclamacións a aprobación inicial quedaría elevada a definitiva de forma automática.

Unha vez producida a aprobación definitiva publicárase no BOP a efectos da súa entrada en vigor e simultaneamente remitírase copia á Administración Xeral do Estado e da Comunidade Autónoma.

Cuarto.- Facultar ó alcalde do Concello de Ames para cantas actuacións de trámite sexan precisas para á mellor execución do acordado.

Punto Oitavo.- Aprobación transferencia de crédito 9/2015.

Intervén polo grupo municipal I.C. Ames Novo, **Mª Pilar Candocia**, solicitando que conste en acta a súa intervención que é do teor seguinte: ¿Se vai a facer o comedor? , ¿quen o vaia a pagar?. A historia di que todos os comedores do Concello de Ames que se fixeron os pagou o Concello e nunca a Consellería. Poño enriba da mesa que nos vamos votar favorablemente este punto, entre outras cousas porque a comunidade educativa o quere e nos nunca imos ir en contra de algo que está demandando a

comunidade educativa. Pero queremos que conste en acta e quede claro que dubidamos de que isto sirva para resolver o problema. En segundo lugar, instamos ao goberno a que faga as xestións para que non nos toque pagar de novo este comedor tendo en conta que xa habilitamos o outro.

Non teño por que dubidar pero dubido como ata de agora sempre pagou o concello agora vaian pagar eles. En todo caso se o pagan xenial, pero entón que o fagan conforme as normas que temos para comedores. Quero recordar tamén que a Consellería non pagou nin sequera os comedores dun centro de nova creación como é Agro do Muíño ou a escola infantil do Milladoiro. Estes comedores as pagou o concello que tamén pagou as aulas de usos múltiples, aínda que non nos correspondían, pero o fixemos e puideron ser utilizados pola cidadanía.

Entón que se faga esa xestión e que se estea enriba para que efectivamente agora, este verán, e queda un mes, poidan facer ese comedor, para que a ximnasia se poida desenvolver dentro do cole e non no polideportivo. Eu insisto, se pode resolver algo o problema pero non totalmente. Onde están postos os baños, hai un so para os nenos pequenos, e se hai un so profesor de educación física e os ten que levar ao baño xa non pode atender aos que están abaixo facendo ximnasia. É dicir, que se trata dun espazo que non esta ben habilitado e, polo tanto, como dicimos sempre nos, non é cuestión de que se faga unha obra senón que é cuestión de velo globalmente e a nos parecenos moi importante que se faga fincapé niso. Aproveito tamén para dicir que hai outros ximnasios que tamén están en moi malas condicións, o da Maia precisa tamén unha solución inmediata que a Consellería tamén tiña comprometida e que non sei si se vai a facer ou non; tamén está o ximnasio de Ventín que tiña problemas moi graves. Pero a min non me parece mal que se resolva este en concreto, nos vamos a votar favorablemente. Pero quero lembrar que a Consellería tiña un compromiso coa comunidade educativa, non con nos, e creo que o goberno e o Concello de Ames deben instar para que efectivamente ese compromiso se cumpra e este mes de setembro os nenos poidan estar desenvolvendo a súa actividade de ximnasia dentro do centro.

(.....)

Rematadas as intervencións, o pleno da corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes, adopta os seguintes acordos:

Primeiro.- Aprobar inicialmente a transferencia de crédito 9/2015 por importe de 15.000 euros, co seguinte detalle:

Aplicacións a minorar:

231	489.02	15.000,00 €
	TOTAL	15.000,00 €

Aplicacións a aumentar:

323.1	212.00	15.000,00 €
-------	--------	----------------

	TOTAL	15.000,00 €
--	-------	----------------

Segundo.- Someter dito acordo de aprobación inicial a exposición pública por prazo de 15 días hábiles, mediante anuncio no BOP, a efectos de exame e reclamacións.

De presentarse reclamacións serán resoltas polo Pleno da Corporación e para o suposto de non presentarse o acordo de aprobación inicial quedará elevado a definitivo de forma automática.

Unha vez producida a aprobación definitiva publicárase a transferencia de crédito 9/2015 resumida por capítulos, no BOP a efectos da súa entrada en vigor e simultaneamente remitírase copia á Administración Xeral do Estado e da Comunidade Autónoma.

Terceiro.- Facultar ó alcalde do Concello de Ames para cantas actuacións de tramite sexan precisas para a mellor execución do acordado.

C) PARA CONTROL DO GOBERNO:

Punto Noveno.- Moción presentada polo grupo municipal I.C. Ames Novo o 17 de xullo de 2015 (R.E. núm. 8409) sobre o sector lácteo.

(.....)

En relación a esta moción incluída na orde do día o grupo municipal popular presenta unha emenda *in voce* que consistiría en incluír na proposta de acordo un punto mais (o sexto) do teor literal seguinte:

Instar a Xunta de Galicia, a través da Consellería de Medio Rural, ao Ministerio de Agricultura e Medio Ambiente e á Comisión Europea a que se articulen as medidas de apoio necesario ao sector.

(.....)

Rematadas as intervencións o pleno da corporación somete a votación a emenda *in voce* presentada polo grupo municipal popular, a cal resulta aprobada coa abstención do representante do grupo municipal Ciudadanos e o voto a favor dos restantes membros presentes da Corporación Municipal.

A moción coa emenda incorporada, resulta aprobada por unanimidade dos membros presentes da Corporación municipal, sendo o texto da moción aprobada do teor literal seguinte:

Moción sobre o sector lácteo

O sector lácteo de Galicia está a atravesar unha situación desesperada. A crise económica golpea con forza dende hai tempo a centos de explotacións do noso país que, en moitos casos, se ven abocadas ao peche. Esta situación está a agravarse nos últimos meses por mor da presión intolerable da industria, que está a pagar o litro de leite moi por debaixo dos custes de produción.

Precísanse medidas urxentes e implicación por parte das administracións públicas para solventar a situación de crise que está a vivir este sector e establecer prezos xustos que permitan aos nosos gandeiros e gandeiras desenvolver a súa actividade.

Conscientes de que o agro-gandeiro é un sector do que dependen milleiros de persoas e que ten unha importancia vital no desenvolvemento económico de moitos dos municipios galegos, e tamén de Ames, moitos concellos galegos decidiron sumarse recentemente á Plataforma en Defensa do Sector Lácteo.

Concelleiros/as da corporación de Ames acudiron á manifestación do 17 de Xullo de 2015 convocada pola Plataforma pola Defensa do Sector Lácteo, apoiando a miles de gandeiros/as galegos/as na súa loita pola defensa do Sector Lácteo terriblemente castigado pola baixada de prezos, que moitas veces chegan a estar por debaixo dos custes de produción.

Por isto, a Corporación Municipal de Ames ACORDA:

1. Amosar o apoio expreso do Concello de Ames ao sector lácteo, e deixar constancia da nosa adhesión á Plataforma en Defensa do Sector Lácteo.
2. Apoiar as mobilizacións co obxecto de facer patente e visible o apoio institucional do concello aos gandeiros de Galicia e aos milleiros de veciñas e veciños cuxa actividade económica depende, directa ou indirectamente, deste sector.
3. Instar á FEGAMP a que se reúna de urxencia para canalizar as demandas dos concellos a prol da supervivencia do sector lácteo en Galicia, en defensa dos seus veciños e veciñas.
4. Instar á Xunta de Galicia, a través da Consellería de Medio Rural, a que articule as medidas de apoio necesario ao sector.
5. O concello de Ames velará para que nos establecementos comerciais con sede no concello de Ames a venda do leite fágase respectando a marxe dos prezos que nunca deberá estar por debaixo dos custes de produción. Poñendo en coñecemento da Administración aqueles casos nos que non se cumprixe.
6. Instar a Xunta de Galicia, a través da Consellería de Medio Rural, ao Ministerio de Agricultura e Medio Ambiente e á Comisión Europea a que se articulen as medidas de apoio necesario ao sector.

Punto Décimo.- Moción presentada polo grupo municipal I.C. Ames Novo o 20 de xullo de 2015 (R.E. núm. 8439) sobre cambio na forma de xestión do servizo público local do Ciclo integral da auga.

En relación a este punto da orde do día o señor alcalde da conta dun informe conxunto de Secretaría e Intervención sobre a situación xurídica da xestión do servizo do ciclo integral da auga desde o punto de vista contractual, informe que se reproduce a continuación:

INTERVENCIÓN E SECRETARÍA	
ASUNTO:	INFORME CONXUNTO
	SITUACIÓN XURÍDICA DA XESTIÓN DO SERVIZO DO CICLO INTEGRAL DA AUGA DESDE O PUNTO DE VISTA CONTRACTUAL: ASPECTOS XERAIS.
Informe 185/15 ¹	

1- Marco normativo.

As principais normas de aplicación ao asunto informado son as recollidas nas seguintes disposicións:

Normativa estatal:

- Real decreto lexislativo 3/2011, de 14 de novembro, polo que se aproba o Texto refundido da lei de contratos do sector público (TRLCP).
- Decreto de 17 de xuño de 1955, polo que se aproba o Regulamento de Servizos das Corporacións Locais (RS).
- Real decreto 1174/87, de 18 de abril, polo que se regula o réxime xurídico dos funcionarios con habilitación de carácter estatal (RFHCE).

2- Antecedentes.

Primeiro.- 20/07/15.- No curso da reunión de coordinación celebrada nese día, solicítase pola Alcaldía a emisión dun informe ao respecto da situación xurídica en que se atopa o contrato de concesión para a xestión do ciclo integral da auga, tendo en conta a próxima expiración deste que terá lugar o 31 de outubro de 2015 sen que estea prevista a posibilidade de prórroga.

Segundo.- 20/02/2014.- Emisión do informe 25/14, "Formas de xestión do servizo do ciclo integral da auga do Concello de Ames", no que se abordan as distintas modalidades de prestación ofrecidas pola normativa vixente, o procedemento que comporta a posta en marcha de cada unha delas e os prazos aproximados que podería requirir a súa tramitación, así como as principais vantaxes e inconvenientes derivadas da elección das diferentes posibilidades entre as que o Concello pode optar. As principais novidades rexistradas ao respecto deste asunto dende a emisión deste informe foron as seguintes:

1 Complementario ao 173/15, de 28/07/15.

- 10/04/15.- A alcaldía adxudica á empresa IDOM Ingeniería y Consultoría SA os traballos de asistencia na redacción dos pregos e do estudio económico que permitan a licitación do servizo por un período de dous anos.
- 05/06/14.- O pleno rexeita a aprobación do expediente para a licitación da concesión.
- 27/06/14.- O pleno rexeita novamente a aprobación do expediente.
- 01/09/14.- Declaración de emerxencia na prestación do servizo. O contrato de concesión por entón vixente, asinado con E&D no ano 1998, expiraba de xeito definitivo en data 02/09/2014.
- 25/08/14.- A xunta de goberno local aproba o expediente de contratación, por procedemento aberto con varios criterios de adxudicación, para a adxudicación do servizo público do ciclo integral da auga. O prazo previsto para a execución do contrato é de nove meses, sen posibilidade de prórroga.
- 12/12/14.- A xunta de goberno adxudica a concesión do servizo a ACCIONA AGUA ESPINA SERVICIOS UTE AMES.
- 13/01/2015.- Formalízase o novo contrato ca UTE. A vixencia deste deu comezo en data 01/02/15 e, expirando o vindeiro 01/11/15.

Cómpre indicar que a día de hoxe non existe constancia do inicio dos traballos conducentes a unha unha nova licitación do servizo.

3.-Conclusións.

En base ao exposto, así como ás conclusións recollidas no informe 25/14, cómpre indicar o seguinte:

Primeiro.- Tendo en conta o prazo requirido para a preparación e licitación dun expediente destas características, pódese afirmar que o Concello non terá seleccionado (nos termos esixidos pola normativa de contratación) un novo concesionario antes do remate da vixencia do actual contrato a cal terá lugar o 31 de outubro de 2015, sen posibilidade de prórroga.

Segundo.- Do mesmo xeito, non resulta posible tramitar un expediente que altere a modalidade de xestión do servizo antes de que expire a vixencia da concesión.

Terceiro.- Á vista do anterior, de xeito absolutamente excepcional, tendo en conta a limitada duración do contrato agora vixente, así como o recente cambio de goberno derivado da celebración das últimas eleccións municipais no pasado mes de maio, e aplicando o razoamento recollido no decreto 1744/14, resultaría viable, na nosa opinión, decretar novamente a emerxencia na prestación do servizo polo tempo imprescindible para seleccionar un novo adxudicatario.

Tendo en conta os precedentes existentes, isto sería posible, si e só si, con carácter previo ao remate da vixencia do actual contrato ten dado comezo a licitación dun novo expediente de concesión, mediante a súa aprobación polo órgano de contratación, nos termos indicados no artigo 110 do TRLCSP, de xeito que a situación de excepcionalidade se vexa limitada ao tempo necesario para unha dilixente tramitación do expediente de contratación. De xeito simultáneo á declaración de emerxencia, e como sucedera o día 01/09/2014, debería ordenarse á actual concesionaria a continuación na explotación en réxime de concesión administrativa dos servizos municipais en cuestión.

Cuarto.- Toda vez que antes da licitación do actual contrato foi desbotada a posibilidade de encomendar a xestión do servizo a un ente público especializado (en esencia, por non tomar parte o Concello no control de ningún deles), e retomando o indicado no informe 25/14, considérase que o máis axeitado neste momento segue a ser licitar unha nova concesión por un período máximo de dous anos, para mentres tanto proceder á licitación, redacción e análise dunha memoria que aborde todas as cuestións precisas para que a Corporación poda decidir, cun coñecemento global de todos os aspectos en cuestión, cal é a forma idónea de xestión do servizo de entre todas as posibles, desenvolvendo nese mesmo prazo as actuacións precisas para a súa implantación efectiva.

(.....)

A concelleira **Mª Pilar Candocia Pita** retira a moción dado o compromiso do señor alcalde de que a xestión será pública e que Comisión se convocará de inmediato e traballará sobre o sistema de xestión pública.

Moción de urxencia. Elaboración das xornadas de traballo e axendas para o alcalde e concelleiros con algún tipo de dedicación.

A moción de urxencia presentada polo concelleiro do grupo municipal Ciudadanos **Francisco Javier López Suárez** non se inclúe na orde do día ao non resultar ratificada a urxencia cos votos a favor dos 4 representantes do grupo municipal Ames Novo, do único representante presente do grupo municipal Pacto x Ames e do representante do grupo municipal Ciudadanos e a abstención do resto dos concelleiros/as da Corporación Municipal.

Punto Décimo primeiro- Rogos e Preguntas.

Intervén o concelleiro **Francisco Javier López Suárez** para formular o seguinte rogo:

Primeiro rogo.- É un roga xa presentado o pasado 24 de xullo, no cal solicito o cambio de destino da partida económica prevista para auxiliar administrativo e custes do local destinado ao partido Ciudadanos de Ames. O rogo é o seguinte:

Tendo comunicado no Pleno de Organización de data 10 de xullo de 2015, o desexo deste voceiro, do non uso da partida económica aprobada para o grupo político Ciudadados tanto para a asignación dun/ha auxiliar administrativa a tempo parcial, así como os gastos derivados do local en aluguer no mandato 2015-2019, ao obxecto de que se destinen á dotación inicial do IES Milladoiro.

Rogo ao goberno, e en particular ao alcalde,

Que a partida correspondente ao ano 2015 dun/ha auxiliar administrativo/a e local do grupo Municipal Ciudadanos (C's) se destine a totalidade do seu importe ao IES Milladoiro coa maior celeridade que sexa posible.

Intervén o **alcalde** para dicir: Para contestarlle a este rogo, dicirle que o destino que vostede quere dar a ese diñeiro non é posible, xa que non é competencia municipal, senón competencia da Xunta de Galicia. De todas formas lle informaremos mediante informe dos correspondentes departamentos técnicos para que a vostede lle conste por escrito.

Intervén o concelleiro **Ramón García Argibay** para formular o seguinte rogo:

Segundo rogo.- Eu vou empezar a poñer deberes ao goberno, o cal non significa que non lle deamos un tempo prudencial para ver o que pode facer pero eu creo que xa hai que empezar a poñer deberes ao goberno. Temos aquí un que é referente ao parque de Piñeiro, que está nunha situación bastante deteriorada. Rogo o seu arranxo.

O mesmo ocorre co parque da escola unitaria de Cruxeiras, están as vallas caídas, pode haber incluso lesións no caso de que os rapaces decidan ir alí a xogar; rogo que o teñan en conta.

O mesmo ocorre no parque de Aguapesada, faría falta unha actuación urxente. Os bancos están deteriorados, a area esta sen renovar desde fai moitos anos, as heces dos animais tamén se mesturan e todo iso conleva perigos para os rapaces

O mesmo ocorre cos parques de Covas e Proupín. Todo o cal me leva a pensar que ao mellor tense que acudir a un POS para arranxar os parques pero antes de nada sería precisa unha actuación inmediata e arranxar a valla que está caída e evitar que poida lesionar aos rapaces.

Recentemente vimos na prensa que o Consello de Contas vai a facer unha auditoría neste concello, e unha das explicacións que limos foi que había moitos informes de reparo e, como consecuencia, levantamentos de reparo. Nos, durante o período anterior, pedimos os reparos e os seus levantamentos por activa, por pasiva e por perifrástica e non fomos capaces. Agora, aproveitando que o Consello de Contas vai facer esa auditoría e que estará todo mais ou menos ordenado, pedimos que se nos faciliten todos eses informes tanto de reparos como de levantamentos dos reparos.

Intervén **Blas García Piñeiro**, que di: Dicirle que coincidimos na mala situación dos parques. Fixemos un estudio da situación actual e a verdade é que están bastante abandonados na súa maior parte. Empezamos actuando nalgúns deles. Actuamos no de Biduído e vamos actuar no de Bugallido (o que estaba dentro da escola unitaria que vamos a cederlle aos veciños). Os de Bugallido e Guimarás, témolos en previsión.

Desde o goberno o que queremos é que estas actividades, estas limpeza dos parques as vaia facendo a brigada municipal e se podemos non externalizar mellor. A ninguén se lle escapa tamén que estamos nunha época do ano onde hai vacacións, onde non están todos os obreiros, pero temos previsto ir facendo actuacións nos parques e xa estamos facendo algunha. Tamén vamos actuar no do Castiñeiro do Lobo.

Intervén **Genma Otero Uhía**, que di: Con respecto ao tema da auditoría do Consello de Contas, vaise realizar sobre o exercicio 2013, ¿eses informes de reparo que solicitan pertencen ao exercicio 2013?.

Contesta **Ramón García Argibay**: O rogo fágoo extensivo a todos os exercicios, se pode ser. Levo tres anos intentando ver algún informe de reparo e os levantamentos de reparo e co anterior goberno non fun capaz.

Continua **Genma Otero Uhía**: Perfecto, o goberno garante toda a transparencia posible. Recibimos a visita do Consello de Contas o luns e nos deron uns prazos bastante amplos para que poidamos entregar a documentación. Os distintos departamentos están ao tanto da información que se solicita e a están recompilando para cando veña o auditor. É certo que leva un certo tempo ordenar os expedientes, estamos en período de vacacións e hai moita xente que esta fora. Tanto o conselleiro de contas coma o auditor dixeran que ían a colaborar con nos, e nos tamén vamos a colaborar con eles, de feito manifestamos a nosa colaboración sen ningún de impedimento, é mais, creemos que este tipo de actuacións por parte deste goberno se deben facer en aras da transparencia e de intentar que os procedementos administrativos melloren. Ao final, o Consello de Contas fai é un informe no que indica o que esta mal pero tamén da recomendacións para mellorar.

Creemos que esta auditoría pode ser positiva para o Concello de Ames; é verdade que da traballo, é verdade que é unha labor que afecta a todo o concello e que hai que poñerse con ela, pero estamos moi contentos de poder facer esta auditoría, ademais a custe cero para o concello, o consideramos unha oportunidade.

Intervén a concelleira **Mª Jesús Bóo Feijóo** para formular o seguinte rogo:

Terceiro rogo.- Un rogo para a Concellería de Urbanismo. Pediría que se teñan en conta á hora da instalación dos semáforos na avenida da Peregrina, os hábitos das persoas que os van a utilizar, maioritariamente xente moza. A idea sería facer coincidir os puntos por onde habitualmente se cruza esta Avenida coa instalacións dos semáforos, que entendemos que serían no acceso ao pavillón e no acceso ao colexio de primaria. A idea é que realmente sexan útiles e que non se instalen onde a xente non cruza. ¿Damos por entendido que van a ser dous os semáforos que se instalen?.

Intervén o **alcalde**, que di: A actuación prevista é un so paso de peóns cun semáforo en cada sentido, é dicir, dous semáforos, un de baixada e outro de subida. Non é que sexan dous puntos de pasos de peóns, practicamente a 50 metros existe outro paso de peóns, enfronte ao colexio.

Intervén **Mª Jesús Bóo** que di: Entón témome que o que vai a ocorrer. Entendo que o semáforo se vai colocar o mais próximo ao centro de primaria, onde está o paso de peóns agora. Témome que o acceso ao pavillón quede nunha situación de risco porque a xente que vai ao pavillón non vai a subir ata arriba para cruzar.

Intervén **Blas García** que di: En principio, quen xestiona o tema quere instalar un semáforo. Nos estamos en negociacións para que instalen outro arriba, pero en principio se instalaría un, onde esta o pavillón.

Pregunta **Mª Jesús Bóo**, ¿Xusto onde esta agora mesmo a pasarela?.

Contesta **Blas García**: Un pouquiño mais abaixo. Nos estamos xestionando con eles para intentar colocar outro arriba, e que estean coordinados porque senón xeneras caos.

Intervén **Mª Jesús Bóo**, que di: Daba por feito que de ser un, se instalaría no paso de peóns que é o único que hai nesa zona, pero se se vai a instalar abaixo polo menos o risco do que eu falaba pode evitarse.

Cuarto rogo.- Teño outro rogo, non sei se é para Blas ou para Catuxa. É sobre parques e xardíns. En teoría debería ser un rogo para Medio Ambiente pero como ten que ver co uso da auga pois tamén pode ir para Servizos Básicos. Eu fago o rogo e que cada un o colla como poida.

Entendo e comparto a preocupación polo consumo axeitado da auga pero rogo que as restricións nos regos dos parques e xardíns non supoñan unha perda da riqueza vexetal de custosa recuperación. No momento en que os seres vivos son retirados do seu hábitat natural ou o seu hábitat natural é alterado pola acción humana, é a nosa obriga suplir esas necesidades. No caso da especie vexetal, o que temos que subministrarlles é auga. Eu entendo perfectamente que haxa restricións no rego das zonas verdes, pero hai que valorar o que supón un corte excesivo dos regos, que pode implicar a perda de masa vexetal. Non sei se se contempla ou non, porque realmente no noso país ata agora non era algo excesivamente necesario, pero noutros sitios si. Falo de que se faga acopio de auga de choiva para que despois, en épocas de sequía, se utilice. Nos temos auga e posibilidades de almacenar auga en determinadas zonas e que despois esa auga sexa utilizada. Porque o que non ten sentido é que se regue con auga potable. O meu rogo é que o rego sexa axeitado e que se estuden opcións para que se utilice auga de choiva.

Intervén **Catuxa García** que di: Parece unha proposta interesante e dende logo recollémola.

Intervén a concelleira **Mª Pilar Candocia Pita** para formular o seguinte rogo:

Quinto rogo.- Antes de nada vou a iniciar a miña intervención dicindo que estou moi cómoda, podó utilizar a mesa coma todo o mundo e Santiago: si se pode, si se quere!. **Santiago Amor** di: ou é posible!. Continua **Pilar Candocia** dicindo: Ou somos quen! somos quen de facelo, se queremos!.

O primeiro rogo vai a ser como foi o meu primeiro rogo no anterior mandato, e agardo señor alcalde e membros do goberno, que non remate tan mal este mandato como o anterior, entre outras cousas porque é un dos 21 puntos que esta recollido no acordo de investidura. Rogo que se empece a traballar no Regulamento de pleno e que se faga canto antes, en primeiro lugar pola necesidade de organizar o funcionamento deste pleno. E unha vez que se faga o Regulamento que a xente poida participar desde o pleno. Tamén rogo, que mentres non estea rematado ese Regulamento, se permita falar a xente desde o pleno cando estea rematada a sesión, non cando se levante, senón cando xa todos os concelleiros acabemos de intervir, despois de rogos e preguntas. Rogo que se abra unha quenda para que se a xente quere preguntar algo o poida facer. Tamén rogo que, en todo caso, cando haxa algún tema no pleno de interese dos veciños, que os propios veciños poidan expoñelo. Mentres o Regulamento non estea rematado, dado que supoño que non vai a ser dun día para outro, que se vaian adoptando esas medidas.

Sexto rogo.- Un rogo que tamén ven do anterior mandato, non porque non se fixera senón porque hai que repetilo constantemente. Rogo que cada vez que medra a herba nos anacos que están ao lado do Galerna, no parque do Ameneiral e que o propietario non corta que o faga o concello. Se lle pediu reiteradamente ao propietario que cortase a herba e como no o fixo foi o concello que o fixo e se lle pasou a factura. Se fixo en varias ocasións. O que rogo é que se faga de oficio, que o concello limpe iso e lle pase a factura porque o propietario non o vai facer. Son anacos que están no parque, o afean moitísimo e son un perigo porque as herbas son de magnitudes importantes.

Intervén o **alcalde**, que di: No tema do Regulamento de pleno, como xa dixemos nesa reunión de voceiros que tivemos, estamos a traballar sobre o documento que xa había na anterior lexislatura. No momento que teñamos un borrador definitivo vamos a pasalo aos grupos para facer achegas.

En relación ao outro tema lle pode contestar o concelleiro de Obras e Urbanismo.

Intervén **Blas García** para decir: Antes de nada explicar que a min gustaríame que o procedemento fose moito mais rápido. Hai que cumprir unha serie de tramites e respectar a normativa. Para limpar unha propiedade privada o concello non pode entrar co tractor ou cos obreiros, limpar e punto. Hai que abrir un expediente de oficio e iso leva un tramite. Hai que notificar aos propietarios e darlles un prazo. Ao final é cando o concello pode acelerar porque senón o fan eles pode facelo o concello e pasarlles os gastos.

Explicar tamén que xa se están facendo ou se van a empezar a facer algunhas limpeza que os veciños nos trasladaron. Estes días se vai a facer algunha intervención en Bertamiráns, e tamén en Loureiros onde xa había un risco en caso de incendio porque podía afectar as casas. Nos próximos días, sendo conscientes deste problema, se vai facer unha campaña de concienciación para os propietarios desas fincas, tanto de Bertamiráns, como de Milladoiro, como do rural. En principio vamos a darlles un prazo razoable aos propietarios para que limpen e senón farao o propio concello.

Intervén **Pilar Candocia**, que di: Pero no caso concreto das fincas que están ao lado do Galerna é todos os anos, o propietario non limpa e faino o concello. Ao mellor habería que facelo sempre de oficio e non iniciar de cada vez un procedemento. Contesta **Blas García**: hai que abrir un novo expediente para cada vez.

Continua **Pilar Candocia**, que di: Pois ide xa mirando como medra a herba para ir abrindo expediente novamente. A raíz deste rogo tamén hai un problema que nos chegou a todos os grupos políticos na campaña electoral, é na Avenida de Fontaldeiro, onde hai unha grande superficie, nos chamara Rafa Vila. Había un compromiso de facelo en breve, en canto se chegara e alí tamén hai perigo.

Intervén **Blas García**, que di: Hai un expediente aberto e estase tramitando. É unha propiedade do SAREP, co cal aínda se complica mais.

Sétimo Rogo.- Respecto da comunicación nos medios públicos que tamén está nos 21 puntos do acordo de investidura, sabemos que ata o de agora non houbo moito tempo pero tanto a paxina web coma a radio están sendo utilizadas case exclusivamente coma medios gobernamentais, sobre todo a páxina web. Había o acordo de abrir iso, rogo que canto antes se abra e se comece a traballar na busca dunha formula para que nesa paxina web non so os grupos senón tamén os veciños e a cidadanía tiveran un espazo. Rogo que se faga canto antes. Sabemos que de momento pasou pouco tempo pero dado que se está utilizando exclusivamente de maneira gobernamental pois que se comence pronto a modificar.

Intervén **Mª Isabel Vaquero Quintela**, que di: O que temos en mente é precisamente cambiar a web municipal. O cambio sería por diversos motivos, a aplicación que se utiliza non é libre e non se pode utilizar practicamente dende o concello, soamente a nivel de novas. Calquera modificación resulta custosa, abrir calquera novo espazo sexa para outros grupos ou para a cidadanía incrementa moitísimo os custos. Xa se ve que á web hai que darlle unha volta porque está toda chea de banners, e chega un momento que xa non é funcional. Rógovos que teñades un pouco de paciencia porque iso xa sabedes que depende, entre outras cousas, da existencia de fondos, pero estamos niso.

Intervén **Pilar Candocia**, que di: Pero nas novas, por exemplo, se pode incorporar algo, non so as gobernamentais.

Continua **Mª Isabel Vaquero**, que di: Vos lembro que hai unha persoa que se encarga da web e que a duras penas pode facer o traballo. E é a única persoa que ten acceso á paxina web en todo o concello.

Pilar Candocia di: O problema non é a persoa, que xa sabemos que fai o seu traballo.

Intervén **Mª Isabel Vaquero**, que di: Pero hai que ser conscientes dos medios dos que dispoñemos, pero mandade cousas e a ver que podemos facer. **Pilar Candocia** di: Mandaremos.

Oitavo Rogo.- Un último rogo para Catuxa, sobre a xestión da canceira. Había un acordo plenario no que a concelleira anterior se comprometeu a determinadas cousas que nunca se fixeron. Nos o que queremos é que se retome ese acordo. Había varias cousas, habería que recollelas do acordo plenario correspondente, cando se aprobou a cesión a Servigal, naquel acordo aparecen os compromisos.

Un deles é que cada 15 días se pase un listado ás protectoras de animais que funcionan en Ames, concretamente a SOS animalia, coa quen se tiña o compromiso. Ademais tamén se acordou que se lles pasase a todos os grupos municipais para que tiveramos coñecemento dos animais que son levados a canceira e que a información dos animais recollidos se soubera rapidamente a web, para evitar moitos sacrificios de animais. Isto o plantexo como medida urxente porque estamos no verán e sabemos que non hai tempo para outra alternativa distinta a Servigal, anque debe de estar a vencer o contrato. Hai que ir traballando noutra alternativa pero como nos meses de verán é cando mais animais abandonados, presento este rogo. Ademais quero dicir que Servigal non se fai cargo dos gatos e propoño que estudedes a posibilidade de que na Ameixenda, na aula de Medio Ambiente, poda haber unha zona que se lle ceda a SOS animalia para que poida xestionar alí os animais que eles recollen e salvan da canceira. Que non se chegue ao caso de que Sos animalia teña que pedir cartos ou eles mesmos poñer cartos para sacar un animal da canceira e que non sexa sacrificado. Que desde a Administración Local se faga todo o posible para que os animais abandonados sexan dados en adopción e non sacrificados.

Presento como medida transitoria o da aula da Ameixenda, e que logo con mais tempo, se busque unha formula definitiva. Eu non sei se ten que facerse unha comisión ou simplemente que os grupos municipais fagan propostas pero, dende logo, ten que estar SOS animalia e a cidadanía, para tentar buscar unha formula de xestión que supere o de Servigal. É preciso que vexamos que formula podemos utilizar, se é con outros concello ou pola nosa conta, pero hai que buscar que a solución aos animais abandonados non sexa o sacrificio senón a adopción e o benestar do animal.

A opción de Bando que tiñamos anteriormente é inasumible por parte do Concello, pero tampouco está ben o de Servigal, e os compromisos que conquerimos naquela sesión plenaria do anterior mandato foron sistematicamente incumplidos. Temos que buscar unha solución de futuro.

Intervén **Catuxa García**, que di: Inicialmente non temos planteado constituír unha comisión, o que queremos facer dende o departamento de Medio Ambiente é organizar unha mesa redonda para que os diferentes axentes implicados estean presentes e aporten alternativas. Estarían tanto as protectoras, como as asociacións animalistas, propietarios, veterinarios, policía local e nos, que somos os quen realmente temos que xestionar este problema.

Di **Pilar Candocia**: Nos ¿é o goberno ou é a Corporación?. Responde **Catuxa García**: a Corporación. Creemos que a empresa actual en canto a lacería está facendo unha boa xestión, en canto ao tema de custodias consideramos que non se está facendo ben, non se cumpren os prazos que asinaron no contrato. Eu reuninme fai dúas semanas con varias asociacións animalistas, incluída SOS animalia, para que me achegasen un pouco a súas reivindicacións; estamos esperando a técnica porque é a que leva o tema, e a partir de aí habilitarase a mesa.

Xa se esta en contacto coa xente de prensa para que faga un recordatorio todos os venres cos cans e cos gatos que se recollen para intentar fomentar o tema da adopción. Si que é verdade que poñen bastantes trabas e ata o último día de

cumplimento da lei no que ese can ten que ser sacrificado non se pode adoptar. O marxe imposto por lei é de 20 días, e realmente non deixa lugar a que incluso o propietario o atope ou que alguén queira ir a recollelo xa que xusto ten que ser o vixésimo día. Entón, o servizo está sendo un pouco deficitario e temos que buscar unha alternativa entre todos, e somos conscientes que é unha das obrigas que temos para a volta de vacacións cando veñan os técnicos. O que hai que artellar son campañas de sensibilización porque hai que ir ao problema de raíz que é a concienciación da xente.

Intervén o **alcalde**, para dicir: Simplemente engadir unha cousa, na paxina web estamos axilizando a subida das fotos, a ultima actualización é do 17 de xullo, por tanto, son dúas semanas. Vamos subindo semanalmente as fotos e aproveitamos a ocasión para facer un chamamento á cidadanía para que consulte a web nese banner directo, para que acuda a saber que tipo de cans ou de gatos foron recollidos para poder adoptar.

Intervén o concelleiro **Xaime Subiela Pérez** para formular o seguinte rogo:

Noveno Rogo.- Ata que non chegue o Regulamento, estamos nesta situación de provisionalidade. Nos, como saberedes nos comprometemos xa hai varios anos a trasladar ao pleno as preguntas ou cuestións que nos trasladaba a xente, e non so a que nos trasladaban a nos, senón tamén as que trasladaban a todos os grupos. Veño con unha que seguramente coñecedes. Trátase dunha furgoneta que está abandonada na Avenida da Maía e da que xa falamos case fai un ano. Xa nos interpelou a persoa que se preocupa por esta cuestión en varias ocasións, e sei que interpelou directamente aos grupos políticos, non sei si ao goberno directamente pero dende logo si o fixo ao partido Socialista, ao Bloque Nacionalista Galego e a nos. En twitter hai moita información. A furgoneta está abandonada, teño aquí a foto, enfronte xusto do que sería Promocións Blanco Barreiro. Rogo que se proceda a súa retirada porque debe de levar un ano.

Intervén o **alcalde**, que di: Simplemente dicirlle que non temos constancia dende o goberno agora, nin eu coma voceiro dende o partido socialista, de ter recibido ningunha notificación sobre ese asunto. Resposta **Xaime Subiela**: Está no facebook. O **alcalde**, pregunta: ¿No noso facebook?. Contesta **Xaime Subiela**: Si. Ao que o **alcalde** resposta: Non teño constancia, pero a verdade é que as redes as leo pouco.

Décimo Rogo.- Ten que ver co Inventario Municipal. Xa sabedes que se sacou como hai 20 días a exposición pública o Inventario Municipal. Está feito dende fai 5 anos e estivo digamos "durmindo o sono dos xustos" durante moito tempo, e no ultimo período do anterior goberno, se nos avanzara que era moi probable que viñese a ser aprobado polo pleno porque había unha urxencia supostamente, unha urxencia que logo nos explicou o alcalde cal era esa urxencia, que era a dificultade cunha propiedade municipal do Milladoiro, e que había que tentar resolver ese problema ca aprobación do Inventario. Agora nos atopamos coa cuestión da exposición pública do Inventario Municipal durante 15 días, prazo que xa rematou.

O rogo vai na liña de que ese Inventario Municipal ten elementos moi delicados para o que ten que ver coa consideración como propiedade municipal de algunhas cousas que son propiedade dos veciños, propiedades comunitarias e propiedades colectivas de comunidades. A cuestión de que se incorporen como propiedade municipal eses elementos son cuestións moi delicadas. E a nos, nos chegou que as asociacións de veciños estaban moi preocupadas pola cuestión. Sabemos tamén que trasladaron un escrito, creo que no día de hoxe, ou no día de onte, ao propio concello dicindo que a cuestión era o suficientemente grave e de transcendencia publica como para que se consultase con eles directamente nas propias parroquias e se falase directamente con eles.

O rogo vai nese sentido, que por favor neste tipo de cuestións que son tan delicadas, se aproveite o que supostamente é o espírito do goberno de fomentar a participación cidadá. Que xustamente nun ámbito que é importantísimo para os propios veciños, se

aproveite isto non como elemento de freo senón como xustamente o contrario. Entender que as asociacións de veciños son unha axuda para definir o que é unha cousa é o que é outra, coma un elemento de colaboración co que é o interese público, xa que o interese público non é so o municipal, iso tamén hai que telo claríño. Rogo que se resolva esta cuestión porque xa que se pechou o prazo de alegacións, e o día que fixemos a presentación do acto do día 24, eu falei con varias asociacións de veciños e foi cando me enterei de que eles non sabían deste prazo. Eu pensei que eles saberían deste prazo de alegacións, pero as asociacións de veciños non o sabían.

O rogo é que se habilite un prazo e un proceso que permita contrastar o inventario directamente coas asociacións de veciños ou senón que se resolva o problema específico que hai no Milladoiro e se deixe o resto pendente, con tempo, para que as propias asociacións avalíen a cuestión e o valoren directamente in situ co goberno.

Intervén o **alcalde** que di: Vamos a ver, a min me gustaría que tamén, e o fago público, antes de solicitar por parte de vostede ou do seu grupo municipal ou ben por parte tamén das asociacións algo por escrito, na medida do posible, se pregunte antes. É dicir, este goberno está aberto a dialogar e falar. Nos somos coñecedores deste asunto do inventario dende febreiro do 2015, estando na oposición e precisamente mandamos un comunicado a todas as asociacións sobre ese borrador de Inventario, para ir avanzando. Que agora se presente un escrito alegando que non son coñecedores do Inventario, a min me choca, mais a sabendas de que creo, e senón corríxame, que vostedes mesmos fixeron reunións con veciños sobre o asunto do Inventario. Polo tanto, entendo que era algo coñecido e non descoñecido.

Independentemente diso, a labor de goberno é atender as demandas. Nos fixemos en aras da transparencia, unha exposición pública a través da web e dos medios que temos, para que todo o mundo coñecera o Inventario. E despois, a idea do goberno, que eu boto en falta que non se pregunte cal é a idea do goberno, despois desa exposición pública, a idea do goberno era falar cos veciños, coas asociacións, e dar a coñecer que é o Inventario. Aproveito para dicir que o feito de que rematara ese trámite de exposición pública non impide outros trámites de exposición pública posteriores. Aínda non hai data para levar a pleno este asunto, non se trouxo a este pleno de agora nin se ten pensado traer para o mes de setembro. Independentemente ¿qué fai este goberno?, ante ese escrito que meten as asociacións actuamos, e mañá mesmo, venres, as nove da noite vamos a recibir a todas as asociacións. Xa están convocadas aquí no concello, para falar e explicarlles a postura do goberno sobre este asunto.

Tiñamos pensado facelo a través de visitas ás parroquias ala polo mes de setembro porque non creemos que agora, finais do mes de xullo e principios de agosto, sexa o momento mellor para as asociacións, pero o facemos agora que non temos inconveniente. Estará nesa reunión de mañá o asesor xurídico do concello e a secretaria municipal, para poder resolver cantas dúbidas poidan xurdir. Despois de dar as informacións oportunas queremos traer a pleno o Inventario pero como un primeiro borrador que permita nun futuro presentar alegacións e resolvelas; sabemos que o documento contén erros e o que queremos é corrixilos traendo as alegacións ao pleno, no sei se mensualmente, bimensualmente ou trimestralmente. Pero o primeiro é ter un borrador aprobado no pleno e despois ir pulindo e solventando problemas concretos como o que temos cunha parcela do Milladoiro.

Intervén **Xaime Subiela**, que di: Alégrame que se faga esa reunión, pero unha aclaración, eu entendo que ningunha asociación pode dicir que non tiña coñecemento do inventario porque Ames Novo hai 3 ou 4 meses llo enviou a todas as asociacións. O que están dicindo é que non tiñan coñecemento do período de alegacións de 15 días, e estaredes comigo en que si ves un período de alegacións que pecha nunha data e refírese a algo que para ti é moi relevante, non consideras que despois do período de alegacións te van chamar. Insisto, eu pensei que estaban informadas e o día 23 estando na reunión do día 24 falei con elas e dixeran: ¿mirastedes o do Inventario?, e ninguén sabía nada dese trámite de alegacións. E a verdade é que chamaba un pouco a atención que a 4 días de pechar o prazo ninguén soubera nada.

Intervén o **alcalde**, que di: É unha mágoa porque iso supón que non leen a web municipal. Mañá daremos contada información sobre este asunto e sobre o planing que tiñamos pensado dende o goberno para dar a coñecer o Inventario e despois veremos se o levamos a pleno ou abrimos un novo período de alegacións mediante decreto. Atenderemos o que nos teñan que dicir.

Intervén o concelleiro **Roberto Amarelle Garaban** para formular o seguinte rogo:

Décimo Primeiro Rogo.- Rogar que se instale megafonía aquí no salón de plenos, para que os asistentes escoiten desde ala ao fondo, moitas veces non se escoita e rogo tamén que se retransmita en directo a través da radio.

Intervén o **alcalde**, que di: No tema de megafonía, estamos pedindo orzamentos, non so para a megafonía. De cara a ese Regulamento de pleno que temos que aprobar é necesario regular o sistema de gravación e de intervencións dos concelleiros e das concelleiras. Cada un de nos terá un micro que gravara directamente a súa intervención. Temos pedido a 4 empresas orzamentos, e ademais da gravación comprenderá un equipo de altavoces para que se escoite no fondo. Tamén rogo aos concelleiros e concelleiras que falen alto, para que se lles escoite ben xa que son moitos os que falan baixo. E para que se reproduza vía web o primeiro que necesitamos é cambiar a web, e polo tanto, necesitamos un orzamento e polo tanto, necesitamos tempo, e cartos, loxicamente.

Intervén o concelleiro **Alberto Piñeiro Rodríguez** para formular o seguinte rogo:

Décimo Segundo Rogo.- Hai usuarios das piscinas do Milladoiro que nos transmiten que nas inmediacións da propia piscina as papeleiras están cheas de basuras polas mañás. É unha zona onde hai moitos rapaces xogando e se so hai papeis na papeleira non ten maior problema pero tamén hai restos de comida que poden atraer insectos, e poden xerar mais problemas sobre todo nestas zonas onde hai unha afluencia de xente tan grande. Rogo que se refórce a frecuencia de recollida destas papeleiras, non soamente nas piscinas de Milladoiro, senón en todos aqueles puntos nos que no verán hai un acopio maior de xente.

Intervén o **alcalde**, que di: Toma nota o concelleiro de obras.

Preguntas.-

Intervén o concelleiro **Francisco Javier López Suárez** para formular a seguinte pregunta:

Primeira pregunta.- Como todos sabemos, o día 23 leuse un manifesto polo día de Galicia por parte da Corporación deste concello. Nos, concretamente, non firmamos ese manifesto e non estivemos presentes. Iso, por parte dalgunha xente levantou algunha suspicacia, pero o que non vou a tolerar son os insultos. O que si quería era que, polo menos, os membros da Corporación non alentemos a xente e non insultemos a aqueles que pensan de forma distinta. Hai que ter moito cuidado, cando se ocupa un cargo público, o que se pon nas redes. As redes, evidentemente están aí, esta todo o que se escribe e queda para toda a historia. Entón rogaría, neste caso, non é un rogo, é unha pregunta. Primeiro, quería saber se por parte neste caso do concelleiro de Urbanismo, vai haber unha desculpa ao falar abertamente de cortedade intelectual por parte daqueles que pensamos de forma distinta. Quero saber se vai

haber unha desculpa, porque penso que temos que dar exemplo e ter moito cuidado co que dicimos. Hai uns principios éticos que temos que cumprir para que haxa unha convivencia democrática de verdade, eses principios éticos temos que cumprilos aínda mais os políticos, eu que acabo de aterrizar pero tamén ti que levas moitísimo mais tempo.

Polo que primeiro quería saber se vai haber unha desculpa por ese comentario que colgaches no muro en facebook porque, evidentemente no caso de Ciudadanos, estamos desgustados por ese comentario. Eu, en ningún momento fixen ningunha declaración de ningún dos presentes nas redes sociais e non o vou facer, que o faga outra xente, evidentemente non é a miña responsabilidade. Eu, ao mellor podo axudar a que non haxa certo quentamento das redes, pero non vou participar nesa guerra. A pregunta é directa Blas, vai haber unha desculpa por ese comentario que fixeches no facebook?. Está claro que eu penso distinto ca ti e ti pensas distinto de min, pero o que temos é que manter as formas, entón quero saber se vai haber unha desculpa.

Intervén **Blas García**, que di: Eu como son galego, vou a contestarche cunha pregunta ¿nalgún momento citei a algunha persoa ou a algún grupo político no meu comentario, no meu espazo persoal?. Contesta **Javier López**: Non citaches.

Continua **Blas García**, dicindo: Pois como son moi galego, hai un refrán que di "o que se pica, allos come". Eu teño unha opinión que plasmei, se alguén se sente aludido e se sente ofendido por algo, cando eu non aludo a ninguén, senón que é un comentario en xeral, é problema de cada un. Poderás achacarme algo cando eu poda dicir ou diga abertamente nalgún sitio Javier López é tal ou os militantes de Ciudadanos ou membros da candidatura de Ciudadanos son tal. Eu como non dixen nada de ninguén en ningún momento non teño que desculparme con ninguén.

Javier López di: Pois eu como galego e español, evidentemente, porque o final eu tamén son galego, a miña obriga é pedirche esas desculpas, porque entendo que non so nos, senón algún outro partido pódese sentir agraviado, aínda que eu falo para min, neste caso falo por Ciudadanos. Eu penso que como cargo político, como concelleiro de Urbanismo e Obras deberías rectificar. Evidentemente non é expreso, non é claro nin palmario, non poñes Cidadáns ou Javier López, pero deixas entrever claramente cal é a túa opinión, neste caso, sobre un colectivo de xente que non son eu nin somos 4, somos 1.079 persoas que votaron a Cidadáns. Por eles pídoche, por derradeira vez, esas desculpas, que se non queres non pasa nada.

Intervén o concelleiro **Ramón García Argibay** para formular as seguintes preguntas:

Segunda pregunta.- ¿Sabemos en qué estado se atopa a liquidación da empresa Espina & Delfín como concesionaria da auga?.

Contesta o **alcalde**: Temos solicitada unha reunión co bufete de avogados Maio para que nos informen da situación exacta. Neste extremo concreto lle pode contestar mellor o interventor porque o bufete solicitou recentemente información.

Intervén o **interventor**, para dicir: Hai cuestión de 10 días, efectivamente solicitaron información, o que pasa é que parte da información que solicitan é moi tedioso facilitarlla, é moi complicado porque hai que buscala no arquivo municipal. É información de moitos anos para atrás, partimos do ano 98 e non vai a ser fácil subministrarlle na súa totalidade. Estamos empezando e a ver como afrontamos esa petición de subministro de información.

Terceira pregunta.- Relativa a ese convenio que se asinou ca Xunta de Galicia co tema dos comedores escolares que estaba en torno aos 180.000 euros, entendo que é

para dous cursos, 2015-2016 e 2016-2017. A pregunta é se cree que esa contía é suficiente. Como imaxino que cree que non é suficiente, a segunda pregunta é que medidas van a tomar para forzar á Xunta de Galicia. A Xunta ten un chollo en Ames cos comedores escolares, non lle custan un peso e resulta un agravio comparativo tremendo co resto dos concellos de Galicia, onde a Xunta de Galicia está aportando e costeando integramente moitos comedores. Pregunto se van a tomar algún tipo de medida, polo menos mediática, para que a xente saiba dunha vez por todas que a Consellería de Educación está discriminando ao Concello de Ames dende fai moito tempo.

Intervén **David Santomil** para dicir: En principio polo que apostamos é pola continuidade do servizo, que non é pouco. **Ramón García** di: Non poño en dubida o tema do servizo, enténdame vostede por onde quero ir.

Continua **David Santomil**: A nivel económico e mesmo a nivel legal e de reparo estase poñendo en tela de xuízo a propia continuidade do servizo. A nivel económico é claramente deficitario. Nos analizámolo xustamente desde a contraria, é dicir, o investimento que fai o Concello de Ames que é bastante elevado na rede municipal de comedores escolares e nos programas de conciliación etc etc .. é un investimento claro en aras a un servizo que esta funcionando moi ben, que é referente mesmo para outros concellos. Ese aporte que fai a Xunta de Galicia non é suficiente, non serve para financialo na súa totalidade, pero en todo caso vai en función do número de usuarios que temos na rede de comedores escolares que supera aos 1.000, como saberedes 1.084. En función dese volume é como se calcula a subvención que outorga a Xunta de Galicia. Ademais do aporte da Xunta de Galicia e dos propios usuarios o concello realiza un aporte económico moi importante para que o servizo siga a funcionar e para que o persoal que traballa nese servizo siga traballando no Concello de Ames.

Cuarta pregunta.- Como vostede sabe porque eramos compañeiros de bancada na oposición fai uns meses, este grupo municipal de PxA fixera unha doazón cando fora o tema da supresión da paga extra de Nadal dos funcionarios. Por esa doazón levamos preguntando anos. Quería saber se finalmente se vai poder facer ou non.

Intervén **Genma Otero Uhía**, para dicir: É un tema que retomamos, precisamente a proposta de Isabel. Non eramos coñecedores porque non estabamos aquí e non sabiamos desa proposta de doazón. Xa estamos pedindo informe para que respondan Intervención e Secretaría. **Ramón García Argibay** di: Entón non había informe sobre esta cuestión?. Contesta **Genma Otero**: É un tema que se quixo retomar, como moitos outros temas. A nosa intención é que saibas que se está a traballar e que pronto vos daremos unha resposta.

Intervén o concelleira **Mª Pilar Candocia Pita** para formular as seguintes preguntas:

Quinta pregunta.- Para o concelleiro de Educación. Xa sabemos que o concello vai a seguir investindo no proxecto de comedores polo que a pregunta é qué medidas se van a tomar coa Xunta de Galicia para que poña mais. Non é verdade iso que acaba de dicir de número de usuarios, non é verdade. Temos datos de que o Concello de Ferrol con moitísimos menos usuarios recibe mais que o Concello de Ames. Eu creo que o que debería exixir o concello é que se de por usuario o que á Xunta de Galicia lle costa cada usuario nos seus comedores propios, non o que lle da os concellos que xestionan comedores ou as ANPAS que xestionan, creo que iso é o que debe defender o goberno de Ames.

Dende logo, á cidadanía tamén hai que sensibilizala, que saiba que proxecto temos e que hai que loitar por el. Estou segura que sairán á rúa a defender a proposta do goberno de Ames. Polo tanto, a pregunta é qué se vai facer para conseguir que a cantidade sexa a que ten que ser ou polo menos que a suban a respecto destes anos; é ridícula con respecto ao número de comensais que temos.

Contesta **David Santomil**, que di: Por aclarar, en primeiro lugar os criterios os fixa a Xunta de Galicia, son eles os que fan esa achega vía convenio, e son dous cursos

escolares os que están garantido con este convenio. A falta dun Regulamento e en relación ás preguntas, para non entrar en ti opinas isto e eu opino isto, e para poder ter respostas a nivel técnico, sería mellor que as preguntas se presentaran, na medida do posible, con antelación e por escrito. Así, a nivel técnico, poderíamos solicitar un informe previo e poder responder mellor.

Intervén **Pilar Candocia**, que di: En primeiro lugar, o ROF especifica que se non se teñen os datos, se poderá contestar no seguinte pleno, pero eu teño dereito a facer as preguntas in voce. Tamén teño dereito a facelas por escrito e se as fago con 24 horas de antelación vai ter que contestarme. A min non me interesa nada o que diga a Xunta de Galicia, eu quero saber o que vai defender este goberno, esa é a miña pregunta. E a vou facer por escrito, para que poda pedir toda a información que precise. Pero é unha cuestión política, non ten que preguntarlle aos técnicos, ten que preguntarlle ao seu goberno. En canto aos criterios vostede pode dicirlle ao PP da Xunta que non esta de acordo cos seus criterios e poñer a cidadanía de Ames en pé de guerra contra eses criterios.

Intervén **David Santomil**, que di: O criterio deste goberno é manter o servizo de comedores. Intervén **Pilar Candocia**, para dicir: A pregunta é ¿canto se lle vai a pedir á Xunta?, esa é a miña pregunta, contésteme cando poida pois entendo que hoxe non ten aquí os datos.

Intervén **David Santomil**, que di: Podereille responder para o seguinte pleno.

Sexta pregunta.- É unha cuestión que vai referida a unha veciña que nos manda un correo hoxe a media tarde, e non tivemos tempo de constatar se isto estaba sendo así ou non, pero é para saber se o goberno ten coñecemento e se non o ten, para que faga o que teña que facer. Trátase do centro de saúde do Milladoiro e ten que ver coas citas para receitas. Parece ser que non se dan ata o 12 de agosto e que se esta dicindo á xente que pidan as medicinas na farmacia e que despois lles darán as receitas. Isto ten que ver, parece ser, coa redución de médicos polas vacacións. Non sei se vostedes teñen coñecemento de que esta acontecendo isto, se teñen coñecemento saber se están facendo algo ao respecto, aínda que xa sei que non é unha cuestión directa do concello. Aconteceu o mesmo cando foi o de matrona, que tampouco era unha cuestión municipal. Pedimos que faga a xestión política o concello, non pedimos que resolva o concello, senón que fagan a xestión política pertinente despois de comprobar se efectivamente iso esta pasando. Creemos que é unha cousa urxente, sabemos todos que é un problema que está todos os días nos medios de comunicación, con protestas da cidadanía. Esta persoa di que presentou unha queixa formal diante da Atención Primaria. A nivel persoal se resolve fácil porque pides unha cita para consulta e despois pides a receita, pero non se trata tanto de resolver cada quen a nivel persoal, senón como concello, xa que non podemos permitir que aconteza iso e que haxa estes problemas co persoal.

Intervén **Luisa Feijoo** para dicir: A verdade é que non tiñamos constancia de nada diso e aínda estivemos esta mañá alí. Aquí, en Bertamiráns, había un problema, chamouse ao xerente e parece que se arranxou. En Milladoiro non tiñamos constancia de nada. De todas maneiras, mañá a primeira, hora chamo tanto ao centro de saúde como a xerencia e che contesto.

Intervén **Mª Jesús Boo**, que pregunta: ¿En Bertamiráns pasaba o mesmo?. Ao que contesta **Luisa Feijoo**: En Bertamiráns non se cubrían o que son as vacacións dos médicos e se tardaba moito e dar cita. Chamamos á Xerencia comunicámosllo, eles dixerón que non tiñan constancia, e de feito fixeron as xestións oportunas para que iso

se arranxara. De Milladoiro non tiñamos constancia de ningunha queixa deste tipo, pero mañá pola mañá xa me informo.

Intervén **Pilar Candocia** que di: Despois che paso o contacto da persoa para que podas falar con ela, para que che dea datos mais detallados.

Intervén a concelleira **Mª Jesús Bóo Feijóo** para formular as seguintes preguntas:

Sétima pregunta.- É unha pregunta para a concelleira de Medio Ambiente. Son docente, e vai polo programación ambiental. A pregunta é ¿qué proceso se ten pensalo levar adiante coa programación ambiental?, non co contido que dou por feito que vai a estar moi ben feito porque coñezo a xente que esta traballando no concello neste tema e sei que o fai moi ben. A miña pregunta é ¿qué se vai a facer con esa programación?. Porque supoño que saberedes que nos centros educativos, a primeiros de setembro, os departamentos presentan as programacións. Nelas non so se inclúe a materia docente propia de cada materia, senón que tamén temos que incluír as actividades extraescolares, as alternativas que as veces serven para asentar coñecementos da propia materia, e outras veces son para temas transversais, como inculcar valores. A miña pregunta é ¿qué se vai facer con esa programación respecto de colectivos como, por exemplo, escolares, voluntariado, para que poidamos utilizar esa programación e esas actividades que se propoñen e o mesmo tempo, incluso poder colaborar en algún tipo de actividade e sacarlle mais rendemento a todo o que se propoña?. Nos imaxinamos que hai cousas e sempre o pensamos, pero non temos unha constancia real de todo o que hai, e queremos poder contar con esas actividades que programa o concello.

Intervén **Catuxa García**, que di: Agora mesmo como acabamos de entrar e o que mais nos apremia é a organización da programación da aula de natureza, que se esta xa a pechar o primeiro trimestre, que sería de setembro a outubro. Logo habilitaremos as canles de comunicación para cadrar axendas e propostas. De cara a dúas ou tres semanas, estaremos en contacto coa xente que é coñecedora das necesidades que existen, en canto a educación neste senso.

Intervén o concelleiro **Roberto Amarelle Garaban** para formular as seguintes preguntas:

Oitava pregunta.- Unha pregunta dirixida ao grupo Socialista, en relación a contratación da brigada de incendios.

Intervén o **alcalde**, que di: Perdoa dirixida ao goberno. Ao que **Roberto Amarelle** di: non, aos socialistas. É referente ao pleno do 30 maio de 2013, cando os socialistas apoiaron unha moción presentada por Ames Novo que ía en contra da contratación das brigadas de incendios. Vos, os abstivestes, de tal xeito que saíu a favor, e polo tanto non se puido contratar esa brigada. Cal foi a razón pola que agora decidistes cambiar a vosa opinión e contratala?.

Tamén quero preguntar ao BNG se está de acordo con esta contratación, posto que en outros concellos está habendo mocións para evitar que se contrate.

Intervén **Blas García** para dicir: Teño unha dubida, ¿qué se contrate?, ¿qué non haxa brigada?. Contesta **Roberto Amarelle**: Que non haxa brigada municipal, senón da Xunta. Que se centralice todo na Xunta de Galicia. Xa sabedes que o persoal de incendios está en contra destas contratacións xa que é descentralizar.

Intervén **Blas García** que di: Cando chegamos o tema estaba sen resolver e había uns prazos que cumprir. Nese momento nos primamos a existencia dunha brigada, para poder actuar no verán, xa que a dicir dos expertos había moito perigo de incendios.

Intervén o **alcalde** para dicir: Na presentación do plan de prevención de incendios, precisamente na declaración que fixen, dixemos que para nos a prioridade non era a contratación desta brigada senón a prevención todo ano. Pero recen chegados, o que precisamos ter é tempo, e a partir de setembro, outubro traballaremos no que é a prevención, para non ter que chegar a maio ou xuño ou como era agora case xullo e ter que contratar a brigada. Foi mais un tema de prioridade e emerxencia, seguindo as

recomendacións dos técnicos. Nos, nos abstivemos naquela moción, non foi algo que apoiáramos, nos abstivemos co fin de poder estudar as dúas alternativas que había. Pero claro, recen chegados, non podemos poñernos a estudar a situación, non hai tempo. O ano pasado a brigada foi contratada en agosto o cal para nos non ten sentido.

Intervén **Roberto Amarelle** que di: A cuestión era non aprobalo e non facer esas contratacións. O **alcalde** di: Na situación actual iso é poñer en grave perigo a este concello

Intervén **Blas García** que di: É o que dicíamos antes. Nos, nese momento, decidimos que era necesario contratar a brigada, contratala ademais a través do concello, non a través de ningunha empresa. A brigada se contratou a través do concello, con concurso publico aberto para todo o mundo. Foi unha decisión motivada pola urxencia.

Intervén **Roberto Amarelle**, que di: Están todos en contra destas contratacións, os brigadistas, peóns forestais ...

Intervén **Pilar Candocia** que di: A ver se para o ano que ven se fai con tempo, o problema é coa Xunta, non co Concello.

Intervén **David Santomil** para dicir: O que comentaba antes, de cara ao seguinte pleno, preguntar con mais antelación para poder traer toda a información. Falades dun posicionamento, que non sei exactamente se te refires a un posicionamento do BNG, porque como sabedes este grupo non tiña representación no mandato anterior.

Intervén o concelleiro **Santiago V. Amor Barreiro** para formular as seguintes preguntas:

Novena pregunta.- Eu quería preguntar se os contratos de subministro de enerxía eléctrica da estación de captación de agua de Lens xa se firmaron. Era un tema que quedou pendente, que non se puido firmar no anterior goberno e quería saber se xa quedaran firmados. Contesta o **alcalde**: Foron asinados á semana seguinte de entrar.

Décima pregunta.- Quería preguntar en relación ao que se comentaba antes, da mellora da seguridade viaria na Avenida da Peregrina ao carón dos centros educativos e das instalacións deportivas municipais. Cando falamos deste tema ca Dirección Xeral da Carreteras, plantexamos a posibilidade xa non so de retirar a pasarela, mellorar a sinalización e poñer semáforos, senón tamén que na rotonda hai moi pouca visibilidade e falamos de mellorar a iluminación na rotonda. Non sei se se falou con Carreteras dese tema, eles dixerón que ían a mirar as posibilidades.

Intervén o **alcalde** que di: Na conversa que tiveron con Carreteras, non me trasladaron absolutamente nada dese asunto, nin da retirada da pasarela, nin sobre a iluminación da rotonda, nin que fora algo que falaran co anterior goberno. Na reunión que mantivemos expuxemos que a pasarela era un perigo, que non tiña o mantemento adecuado e que era mellor retirala, pero nunca faláron da rotonda nin da iluminación.

Intervén **Santiago Amor** que di: En relación á rotonda o que se falou foi do tema da iluminación. Podo dicir que Felipe Casanueva, o xefe de Carreteras da provincia da Coruña, estivo neste concello e lle trasladou e aí están as ANPAS da Maía e a dirección do instituto de Bertamiráns, a posibilidade desa actuación e a viron factible, a viron de boas maneiras. Eu mesmo falei con Felipe Casanueva e lle adiantei a conveniencia de retirala porque pintala custaba moito diñeiro.

Intervén o **alcalde** que di: Pois como quedamos para falar no mes de agosto do tema da rede semaforizada e mesmo do semáforo do instituto para meter dous puntos da rede pois preguntaremos. ¿Había un compromiso formal por parte de Carreteras?.

Contesta **Santiago V. Amor**: Non, compromiso formal non, o que había era que o ían a estudar.

Continua **Santiago V. Amor** dicindo: Moi rapidamente comentarlle ao compañeiro Ramón, que en relación a súa solicitude de acceso aos informes de reparo, se dou comunicación ao departamento de Intervención de que facilitase o acceso. Se non ten copia eu creo que teño fotocopia ca firma da persoa que recepcionou ese escrito, para que vostede ou calquera persoa que vostede designara, puidera acudir ao departamento de Intervención a ver eses informes de reparo. Como se falou deste tema, para que conste.

Décimo primeira pregunta.- E despois, en relación ao tema do Inventario me gustaría facer unha pregunta. Se pagou á empresa que fixo o inventario municipal, á empresa pública Tragsa. Intervén o **alcalde** que di: Non me consta.

Intervén o **interventor** para dicir: Devolvemos a factura porque non estaba conformada por ninguén. **Santiago Amor** di: Pero se devolveu xa fai oito ou nove meses. Continua o **interventor**, dicindo: De feito creo que esta reclamada en vía xudicial, pero non o sei porque non levo eses asuntos.

Intervén **Santiago Amor** para dicir: A min me gustaría facer unha reflexión aquí en alto xa que estamos todos. O tema do Inventario Municipal, e aquí esta a secretaria que ao final é a persoa que ten que custodiar e levar o Inventario Municipal, é un tema moi tedioso, un tema moi complicado. Eu creo recordar que nas tres ultimas lexislaturas, e que me corrixa a señora secretaria se non é certo, non se aprobou ningún Inventario Municipal.

Se iniciou no seu momento, no mandato 2003 – 2007, cun contrato. Hai obriga de facer o inventario municipal e hai obriga de que cando se cambia a Corporación municipal se aprobe o Inventario Municipal, cousa que aquí non fixo. Si se fixo unha cousa no meu mandato, a través de señora secretaria, déuselle traslado a tódolos concelleiros do Inventario. Eu, a verdade, devolvín a factura porque consideraba que o Inventario non estaba ben, tamén considero que facer un Inventario é moi difícil. Eu non tiña idea de traer ese documento a aprobación de pleno e tamén quero dicir, que ao mellor non debería e que cada pao aguante a súa vela, pero como eu o vivín nas miñas carnes, que se saiba que hai xa unha plataforma querendo montar unha algarabía con isto do Inventario. Co tema da plataforma do lixo eu o pasei mal, e algún sacou réditos políticos. Eu creo que deberíamos afastar do debate político o tema do Inventario porque é un tema moi complicado, hai poucas empresas que fagan os inventarios e que os fagan ben, aínda que ao final o concello leva a cruz de que non aproba o Inventario.

Décimo segunda pregunta.- E despois quería facer unha pregunta en relación co tema da auga, aínda que en parte xa me contestou no punto da moción que foi retirada. ¿O plantexamento do goberno vai a ser que se estude a licitación por dous anos en función dese informe que vostede leu?, Que se estude durante dous anos a posibilidade da municipalización do servizo e mentres sacar un novo contrato, esa vai a ser a proposta do goberno en base ao informe que vostede leu?. Contesta o **alcalde**, que si.

Continua **Santiago Amor** dicindo: Pois ben, moitas grazas. Se vostede houbera aprobado o mesmo que vostede esta agora propoñendo, cando eu era alcalde, ao mellor agora tiñamos unha empresa cun prazo mais largo ou xa estaría a piques de rematar ese informe sobre a posibilidade ou non de municipalizar. Lle recordo señor alcalde que isto que vostede acaba de ler é a proposta que o partido popular levou aos plenos dos días 5 e 27 de xuño do ano pasado, sacalo por dous anos e mentres estudar a municipalización ou non. As cuestións desde o goberno se ven doutra maneira que desde a oposición. E lle vou a dicir unha cousa, o partido popular non mudou de opinión, e vamos a seguir apoiando esa proposta que vostede hoxe nos trae porque foi a nosa.

E xa para rematar, se me permite, darlle os parabéns tamén por volver a renovar ese

convenio coa Consellería de Educación para os comedores escolares. Evidentemente que nos gustaría que en vez de 180.000 euros fosen 300.000 ou 400.000 euros, pero levamos 3 anos dende o Concello de Ames firmando un convenio ca Consellería de Educación cando antes non se asinaba nada. Quero darlle as grazas porque independentemente que é pouco, vostede entende cales son as situacións e ao final ano a ano se ve incrementada esa achega económica da Consellería.

Intervén o **alcalde** para dicir: Simplemente recordarlle que esta vostede no apartado de preguntas pero en aras de permitir o dialogo no lle dixen nada. A Deus grazas traeremos pronto o Regulamento a pleno e así evitaremos cousas como estas, entrar no debate da auga novamente, cando falaremos do tema o luns na comisión e entón lle diremos as grandes diferencias entre a súa proposta e a a nosa.

Santiago Amor di: Sen problema ningún, pero lle recordo que vostede tamén abría debates no apartado de rogos e preguntas. Cando traia o Regulamento a pleno, se quere limitar limite, sen problema ningún, e este grupo o apoiará ou non.

E non habendo mais asuntos que tratar, o señor alcalde presidente o acto e levantou a sesión ás vinte de dúas horas e cincuenta e seis minutos do día 30 de xullo de 2015, de todo o que eu como secretaria certifico.

Visto e prace
O alcalde

A secretaria